

sitationis causa venerint, procurations ab iis ali
quas requirant.

(Laterani, Febr. 26.)

[Bullarium Cluniac., 88.]

CLEMENS episcopus, servus servorum Dei, venerabilibus fratribus archiepiscopis et episcopis, in quorum parochiis prioratus et obedientiæ Ecclesiæ Cluniacensis existunt, salutem et apostolicam benedictionem.

Sic est Ecclesiarum prælatis et divina constitutione permissum spiritualia seminando, carnalia metendo recipere, secundum illud : *Non alligabis os bori trituranti* (*I Tim.* v), ut sibi commissis Ecclesiis oneri non existant. Intelleximus siquidem quod hæc quidam vestrum nequaquam, sicut convenit, attendentes, cum suas diœceses circumveant, à prioratibus et obedientiis Cluniacensium fratrum apud alios hospitati procurations sibi faciunt exhiberi, licet ipsi parati essent, ut assentunt, in prioratibus suis eos benignè recipere, et prompta eis devotione servire. Quia vero indignum est a vestræ pariter honestati contrarium, ecclesiasticæ charitatis obsequia ad gravamen trahere subditorum fraternitati vestræ, præsentium auctoritate districtius inhibemus, ne de cætero, nisi cum ad prædictorum fratrum prioratus visitationis causa veneritis, procurations ab eis aliquas requiratis, nec eis super hoc gravamen aliquod aut molestiam inferatis, scitur i quod si secus egeritis, nos eisdem fratribus, auctore Domino, curabimus prohibere, ut alibi hospitatis procurations nequaquam impendant.

Datum Laterani iv Kal. Martii, pontificatus nostri anno primo.

XXIX.

Monasterii S. Mariæ Flabonis-montis protectionem suscipit, bonaque confirmat.

(Laterani, Febr. 26.)

[HUGO, Ord. Præm. Ann. I, Pl., p. 551.]

CLEMENS episcopus servus servorum Dei, dilectis filiis HUGONI abbati ecclesiæ S. Mariæ de Flabonis-montis, ejusque fratribus tam præsentibus quam futuris regulariter substituendis in perpetuum.

Religiosis desideriis, etc. Eapropter, dilecti in Dominio filii, vestrī justis postulationibus clementer annūimus, et præfatam ecclesiam Sanctæ Mariæ Flabonis-montis, in qua divino estis obsequio mancipati, sub beati Petri et nostra protectione suscipimus, et præsentis scripti privilegio communimus : in primis siquidem statuentes, ut ordo canonicus qui secundum Deum et beati Augustini Regulam, atque institutiones Præmonstratensium fratrum in eadem ecclesia institutus esse dignoscitur, perpetuis ibidem temporibus inviolabiliter observetur. Præterea quascunque possessiones, quæcunque bona eadem ecclæsia impræsentiarum juste et canonice possidet, vel in futurum concessionē pontificum, largitione regum vel principum, oblatione si-

A delium, seu aliis justis modis, præstante Domino, poterit adipisci, firma vobis vestrisque successoribus illibata permaneant. In quibus hæc propriis duximus exprimenda vocabulis :

Locum ipsum in quo fundata est ecclesia, qui antiquitus vulgo Flabonis-montis appellatur, et cum nemore de Wathes. Pasturas in ipsis pratis, aquis, nemoribus; glandem et sagenam in iisdem nemoribus; ligna tam ad ædificandum, quam ad comburendum et ad quoslibet usus : quæ dederunt vobis in suis portionibus totius territorii de Baignaval, Wido de Acrimonte, et Wiardus Russus de Daville, Genoldus et Herbertus de S. Juliano, Wido assensu Hugonis comitis de Wadmonte; Guidus et Herbertus assensu Olrici de Gisnei; Wiardus assensu ejusdem Guidonis, a quibus ea in feodum tenebant; Guido etiam assensu Olrici de Posternis, et uxoris suæ Esclamundiæ, et Walteri de Deulily, etc. (Hic longissime recenset pontifex omnes possessiones ecclesiæ Flabonis-monis; deinde suam bullam claudit eidem concedendo privilegia et exemptiones ordinarias.)

Ego Clemens catholicæ Ecclesiæ episcopus.

Ego Theobaldus Ostiensis et Velleiensis episcopus.

Ego Joannes presbyt. card. tit. S. Marci.

Ego Laborans presbyt. card. S. Mariæ Trans-Tiberim.

Ego Albinus tit. S. Crucis in Jerusalem presbyt. card.

Ego Melchior presbyt. card. SS. Joannis et Pauli tit. Pamachii.

Ego Sacerdos diac. card. S. Mariæ in Cosmedin.

Ego Decamanus SS. Sergii et Bacchi diac. card.

Ego Sofridus S. Mariæ in Via Lata diac. card.

Ego Petrus S. Nicolai in Carcere Tulliano diac. card.

Ego Radulphus S. Georgii ad Velum Aureum diac. card.

Datum Laterani, per manum Moysi Lateranensis canonici, vices agentis cancellarii, iv Kal. Martii, indictione vi, Incarnationis Dominicæ anno 1187, pontificatus domini Clementis papæ anno primo.

XXX.

Bulla abbatiam B. Mariæ de Herivalle confirmantis.

(Laterani, Mart. 2.)

[Gall. Christ., VII, Instrum., 274.]

CLEMENS episcopus, servus servorum Dei, dilectis filiis abbati ecclesiæ beatæ Mariæ de Herivalle, ejusque fratribus tam præsentibus, quam futuris regularem fratibus vitam professis in perpetuum.

Religiosam vitam diligentibus apostolicum convenit adesse præsidium, ne forte cuiuslibet temeritatis incursum aut eos a proposito revocet, aut robur, quod absit ! sacræ religionis infringat. Ea-